

IOSEPHI

RIPAMONTII

E COLLEGIO AMBROSIANO

HISTORIARVM

ECCLESIAE MEDIOLANENSIS

PARS ALTERA

Libri XVIII

7

*Bonus perfectus
neq[ue]*

Co. Scriptus



MEDIOLANI,

Ex Collegij Ambrosiani Typographia .
M. DC. XXV.

fuisse constitutum. & ita quidam scripsere. Atque Hospitalij quidem huius benignitate fruuntur indigenae tantum & honesti pauperes, quos naturale malum senecta oppressit. Illud verò maxime peregrinis patet, quod Apostolo Iacobo antiquitus dicatum viri nobiles tuentur & munifice administrant. Ac sicuti Romanâ viâ, D. Petri quam antea diximus hospitalê domum, religionis causa peregrinantes Romam, siue ex peregrinatione inde redeunt, vti suam intrant: ita Vercelleni Porta, sub D. Iacobi nomine apertâ hâc alterâ, Hispani, Hierosolymitaniue peregrinatores, queis subsidio aliquo opus fuit, petunt. Verè hoc iterum videor esse dicturus. Quot facies & formæ calamitatum siue egestatum humanarum sunt, tot præsidia mortalibus in hac vrbe, vel ante D. Caroli Pontificatum, excogitata parataq. fuisse, vel postea, noua veteribus accessisse, sicuti antegressas semper ætates, tempora, quæ successere, æmulantur. Inter ipsas vltimi Sforcie miseras, & præcipitia ruinantis domus, cum hostes propulsâdo Gallos pateretur ciuitas eadem mala, quæ pertulit, vbi propulsare non potuerat, exorta est paterna cura hominis vnus, qui colligeret vndique puerulos orbos, & compulsos in vnâ domum aleret educaretq. quomodo bene moratus aliquis attentusq. parens suos filios ali educariq. vellet. Hieronymus is fuit Aemilianus origine quidem Venetus, sed gloriæ destinatus huic, vt apud nos prædicatione & fama renasceretur. Vtrumq. principio fuerat eius opus; & Martiniana scilicet soboles, quæ subducta mendicitati excolitur artibus & disciplinis, & puellarum altera, quæ
sub-

subducta pudicitie discriminibus sub D. Catharinae tutela excolitur item artificijs & disciplina, quam patitur miseria sexus, quaeue ubi matrimonij tempus venit, sit instar dotis. Postea parens idem & magister nutritiusque desertae alienae prolis, suam instituit etiam prolem auctor Ordinis, cuius initia pagum obscurum Somascam accepto inde nomine nobilitauere. Ea decora & subsidia vir externus addidit vrbi; simillimique spiritus alij item externi homines, quos diuitiae, quos pietas studio aliquo publicorum operum accenderat, veluti communem hanc gentium esse patriam rati, non secus atque natalem sibi solum eam excoluere. Nam Melchior Oforius natione Hispanus acta omni militari-
tate, stipendia denique sua, & pretium laborum insumpsit collegio instituendo, quo pauperum militum filij, & filiae à primis annis ad militarem vsque aut nubilem aetatem alerentur. Melchior alter Bonauentura nationis eiusdem in cinerea lacerna Mediolanum profectus vna cum socijs viginti, conquirendo aegrotos, qui neque in valetudinaria admitterentur ob depulsam iam febrem, neque refici tamen & asurgere ex debilitate corporis possent, squalido ipse vultu, & inflexa ad miserabilem sonum voce mortales ad benefaciendum inuitando, commouit, vt noua cuncta solent, magnopere ciuitatem, parauitque domicilium sibi, & socijs, & tabidorum gregi, queis, nec totus morbus, nec tota sanitas, ideoque subsidia alibi nulla erant. Id hodie domicilium ad extremos Portæ Nouæ fines in molli culcitra, sub conopoeo quemque suo conualescentes delicate alit, donec nitidi & robusti.

busti quietis iam lectuliq. impatientes vltro ab cubilibus exsilire . Coemère Fratres aream ædificio tribus milibus aureorū nummūm, cum id spatij superaret finitimo Collegio, vbi nobiles iuuenes educantur; proteruiaq. olim etiam ibi Humiliatorum habitarat. Hispanus de quo dixi prior ille pueris suis Vercellensi Porta emerat domum de principe item alienigena; & magnis eius Oforij cœptis incrementa maiora accessere postquam priuati hominis consilium Regis maiestas comprobauit. Sed ex nostra Insubria Cremonensis homo Bonus nomine, cum sacco & cruce principio desipere visus, mox rigore perseveranti & prædicatione aduersus impudicas, deterruit ab infando quaestu plerasque, & earum grege ab lustris, & popinis in claustra pudicitiae deducto, relique vite disciplina & sanctitate puriores innocentioresque fecit quàm si nunquam contaminatae fuissent. Huius deinde concionatoris exemplum secuti alij pari conatu & successu muliercularum flagitia vertère in pœnitentię miraculum, & Thaides pleraeq. ad Magdalenas ibant. Cumque fremente inhonestate, lupanaria quotidie defererentur, collegia alia facta seminarum huiusmodi quæ detestatione vite prioris meritum & decus virginalæ æquarent magna hodie inuitamenta dedecoris exuendi castimonieque amplectendæ, quandocunque ingenia forte illa salutis honestatisue amor tetigerit.